

國朝畿輔詩傳卷四十六

長洲陶 櫟鳧薌輯 錢塘吳長卿更生校

李維寅

維寅字春旭一字欽伯大興人蔚子乾隆三十

九年舉人官廣西太平府龍州同知有廉餘詩

集二卷

蔡復午傳春旭少篤學年十九舉於鄉乾隆甲辰會試以國子監學錄用授廣西義宜縣知縣義宜地瘠民情先生以勤墾種興學校為事鄰邑有僧惑眾作亂先生微服入山縛之散其眾調宣化適安南用兵徵輸饋餉車舟供帳之役什倍他邑先生經理裕如而民不擾福文襄王廉其賢奏擢左州知州嘉慶二年春西隆州苗變先生方署養利得替乃馳赴舊州募鄉勇禦

賊總督吉公屢率官兵繼至先生上書言軍事
畧曰苗不足憂當安民民遭焚掠無所容且從
賊而賊勢成矣古稱徵兵滿萬不如招募數千
蓋以募為賑民心安則賊氣奪况其急私讐悉
敵情者乎夫苗不能盡剿也宜主撫然不可不
威以撻伐苗性木嗜殺承平日久驕而思逞非
使其力窮心餒則翻覆未可知耳博引宋明征
苗前事辯論數千言繪地圖山川夷險攻守形
勢了然吉公喜檄先生隨營辦糧餉符檄事嘗
督鄉勇開隆愛山苗以木石拒山徑先生奪其
七隘礮碎馬前蓋不為動山澗湍急無舟梁眾
相顧遠巡先生縱馬涉中流眾皆奮呼以從遇
賊戰禽其酋歸紅水江者黔粵之限苗恃以為
險者也造巨艦十餘將犯我吉公患之先生夜
至江上察彼岸鎗火滅沒使人泅而過盡斷其
纜沿流鼓噪守船賊暗中突觸自相殺乃得其
船渡江解冊亨州之圍事聞奉
太平府龍州同知九月官兵凱旋大府檄先生
與左江總兵穆克登布爾後時近江十三寨尙
觀望不附先生破高寨之匪招撫餘苗安其居

民歲盡歲功明年將引見以案被議不果行歷
署丞宜全州河池各州事染瘴卒年五十有一
先生威儀似儻居官二十年不名一錢而周卹
急難獎拔後進粵西士民尤稱之有詩集二卷
德泰序春旭刺史詩原本少陵出入白蘇寄託
深厚皆有關於風教西陸從軍諸篇激昂慷慨
忠義之氣與秋風爭高非徒雕琢言語誇多鬪靡

陳預序先生詩發乎性情之真而
合先民之法清雄雅雋不愧作者

湯藩序春旭李君詩高明伉爽激昂悲壯之氣
幾於呼之欲出雖生平仕宦功名未竟其志而
詩則必傳無疑

紅豆樹館詩話先生官粵西治行卓然以詩爲
餘事然精藍巖洞留題幾徧多雄渾激壯之氣
銅鼓一歌尤波瀾橫溢具體韓蘇五言如晴雲
開碣石積氣湧辰韓洞穿平地出風拓衆山來
寒峯餘翠色野鳥自閒聲涼生收雨後秋在放
船時露光浮草白燒影入雲青七言如戶外寒

聲零舊雨嶺頭歸信問殘梅凍雲流影分寒色
遠樹無聲鬱照烟折柳亭邊頭半白落帆江上
月昏黃欲問青天攜謝眺慣吟客路似王灣尋
詩古驛苔生壁吹角斜陽客倚樓皆方虛谷所
謂律髓也

舟中懷紀小癡

幽人耽朝眠楫師惜清曉輕風帆艤舫遙村挂參昴冥
濛衣上雲罨藹烟中篠延緣度谿灣閱爽見晴昊春波
魚尾萃旭日雉鳴鷺眷茲物華妍悵彼知音杳抱琴期
不來深杯爲誰倒

由鹿砦至蘭麻嶺

客袂吹山風雲容寫清鏡絕澗旣乘桴單椒復尋燈孤

城面巉巖其下明汀澄錦石紛璘玢芳田互緯經文鱗
潛可數暮翼歸相命白雲陡欲升蒼若饋炊飯似聞豕
出繪已見林垂暝循帶警早寒衝烟取微徑何處蘭麻
嶺松梢落疎磬

初春登陶然亭望西山

袞袞六街塵昭琴罷清弄孤亭獨徙倚懷抱得一縱嬌
花漸含苞輕霜不成淞僧雛汲井華已釋銀餅凍高凭
珠閣危下眎翺羽衆長嘯聊自抒遙情託鸞鳳爽氣高
西山蒼若烟浪湧想像玉河濱翠微嵐影重金鑿視草
才攬勝左徒從有時一拄笏春日尙屢送我媿醢雞舞

空吟天姥夢名山失咫尺墨綬猿鳥諷新釀清已汎果
下駒欲控龍子能獻花先掃雲邊洞

全州翔鳳樓看桃花同劉笏庵高升齋楊練江

名山愛翔鳳築樓如幽龕樓前千樹桃樓外百尺嵐東
風度山來吹春上挑尖花心陡怒發霞綺蒙巉巖尋春
興不淺高嘯登層嵌芳徑折窅窅綠杖扶趁趨眠雲散
清曉天日開鏡墜水烟明且晦花態吐復含嫣然見麗
質一一襯松杉玲瓏青絲帳朱顏帶朝酣數株獨竊袂
高格離塵凡似從錦繡林特作俗眼砭燕飛忽下上嘉
客來四三登樓縱遙睇香雨何炎炎落紅僧不歸飛英

鳥爭銜雙旌擁花縣愧我羈朝衫卽事塵已屏看雲心
所欣借問劉子驥何處尋仙潭

赤蘭堡

湘山無歲寒極目皆喬松羸馬踏殘雪愛此蒼蒼峇峇雲
影匝平地波濤生半空林端豐霧歛離立青芙蓉影花
辭暮節素羽翹輕風前村雜楓柏萬綠皴孤紅背日乍
明晦倚竹交玲瓏頗聞蘭萼赤松梢寄芳蹤至今郵亭
邊時見舉秋葑物幻不可識烟霞深幾重何當躡屩去
采苓巢雲峯

銅鼓歌

著雍涪灘月過午我官宣化獲銅鼓村人百指昇升堂
寶氣騰騰籠一府爲言耕耨萬山中夜半風霆嘯荒圃
一鋤忽落一繩跳繩瞥飛空鋤缺腐坤維震盪雲根頽
萬綫霞光出深土神物乍見驚牛羊公裘同獻陳樽俎
傳觀愧比壓還珠欲捫先愁指畫肚虛中刻下微束腰
徑二尺強高尺許規平鏡面笑麕臍十二蟾蜍餘六五
水沙剝蝕體漸輕乾坤陶鑄年幾所血斑歷落接蜥蜴
翠蘚孺爛碎鸚鵡上女雲云下雷回彫刻龍蛇雜亞斧
羌無篆籀識歲月誰憑色相辨今古我聞苗民守重器
乞烏獐花都老主婚喪盟會置酒羊庭前敲折金釵股

流傳禮器譌兵器紀代標名無乃魯大日伏波小諸葛
鑿空何異周庭誓伏波馬式傳駱越不聞鑄鼓配銅柱
諸葛行軍未到粵敗鼓宜遺魚復浦紛紛記載辭無根
靈鼉一吼暗不語昔日金公撫西粵曾向節樓樹崇虞
三過孰曉鐃鐃節五聲無當滕薛譜莫教師旅率征人
差堪琴瑟逐田祖弗鼓弗考我心戒大鳴小鳴勁氣沮
笑謝村農寶什襲醉詠詩歌狂搏拊韓潮蘇海不可作
伐鼓淵淵人起舞

同張生傅霖游惘忠寺用昌黎寒食出游韻

東風不散維摩病已失京華春事盛臥聞花箭夜來添

尙喜翻階紅藥映侯門駿馬如游龍豐臺雲錦紛相競
幽齋初罷松風琴擁鼻羞爲洛生詠佛廬近泝妙香尋
花色最憐亭午正素心攜手不常逢一年芳信知難更
鑪裏黃金未易成尊中白墮聊可命戴山戴粒同逍遙
塵尾何須玉爲柄散花今日見天女五嶽平生慕禽慶
狂態從教巾角欹僧雛莫作儒衣敬花下低迴繞畫廊
禪房梧竹清而曠試憑覺路聽三乘那便具茨迷七聖
君家好在桂林南自昔游蹤嘗合併長安米貴住經時
雲鶴入笈非所性似君磊落豈長貧韃擲未損肝膽橫
相將去理烟江艇覺此初熟雞頭迸休怨征衫青似草

祇恐鬢髮絲盈鏡北堂自譜白華笙知君門內工爲政
詩壇矧足張吾軍吾亦願從稱後勁花前聯袂且高歌
仕宦幾人爲僕令

錢文敏公臨趙吳興水村圖

何人寫此明鏡匳飄然坐我吳淞南水村梅雨鞞紋添
村前短竹桑枝銜稻田剡翠半沒鶴縑車皮閣初罷蠶
谿女曬網屋外樹漁子吹笛蘆中庵遙山一角插玉簪
清光欲上如涼蟾空濛遠勢望無際烟雲未染意已涵
王孫畫格離塵凡禿筆不假丹粉拈尙書妙得古人髓
臨摹往往青超藍夢游曾入澤國處爲君逸思榮秋潭

前賢清興效未得水
上白鷗心所收何當買山栽橘柑
二頃生計憑長鑿分湖水程三百里
畫中乘興張雲帆
孤篷
身貧爲宦拙家遠計程難倦眼山千疊
秋燈感百端乾
坤容我老風雨入江寒
瑟縮孤篷底吟詩獨醉看

中秋後二日對月

苦雨如中酒冰輪爲解醒
亂山清一覺短髮照分明
幾處關河影頻年舟楫聲
停杯欲相問虛幌此時情

柳州道中

野草無情碧斜陽向客紅
亂山藏虎氣匹馬入松風
悵

望長安遠嶽巖世路同古來多謫宦會此歎途窮

雨夜雜感簡夏平甫

灘江臘月天飛雨燕客中年雪染髭髀瘦怕談禽賊日
項強悔憶在官時貧非是病身將老歸已無家夢尙思
百卷圖書一長劍伴人漂泊欲何之

羅漢渡是紅水江下流

擊汰中流歲月遷蕭條一葦渡前川朔風不動雲雷影
落葉無聲雪在天潑水刀光驅萬馬連山烽火沸重淵
江波如血人如蟻憶我西隆破賊年

漢江

漢陽新漲布颿輕檢點郵籤問水程雲外好山如我瘦
江邊孤月與人清烟波到眼知行色雞犬離家有故情
初向天涯嘗遠別夢回觸忤權歌聲

鄭二辛自戍所寄詩懷我步韻答之

頻年谷口不相見片紙西風遠寄將萬事足時唯
有子一身安處卽爲鄉青鐙詩酒南天夢紫塞關河
兩鬢霜四韻吟成黯愁絕怕同老杜送滎陽

王青厓總戎江帆載別圖

樊川不作漁洋老冷落紅橋舊水雲憑弔儘多來
往客風流還屬右將軍長江送別秋千里好夢關心
月二分

愁絕圖中挂帆處青山紅樹正斜曛

赴陽朔張鑿湖之喪

劍鉞山不割愁腸更到蓮峯哭景陽往日論交唯爾我
此行何計慰孤孀悲風吹雨侵塵榻落月窺人上屋梁
白馬素車三百里巨卿久亦鬢蒼蒼

放言

鞞刀帕首麾戎車吟牋茗椀攜清娛年來足蹟半天下
生木高陽一酒徒太行不笑鄰叟智楚水能容遷客愚
青山白雲自千古何處海龕招老夫

泛雪圖

國朝詩集卷之二
楓落寒江一葉飄吳娘打槳客吹簫
雪谿水接松陵近
唱徧烟波十四橋

湖山寺同宋葵如王熙堂

紫竹千竿傍石栽春陰藹藹洞天開
游人來往無行跡
一徑松風長綠苔

送湛上人之剡中

沃州自昔擅談空尚有旃檀聞逆風
一棹獨尋秋磬去
六朝山色雁聲中

沈峻

峻字存圃號丹崖天津人乾隆三十九年副貢

生官廣東吳川縣知縣有欣遇齋詩集十六卷

龍鐸序登高臨水卽境寫心情往興來倡子和

汝淋漓盡致詎忍涉於怨尤慷慨當歌總不離

手溫

厚

余作沛送別詩序存圃少賦雋才官吳川以細

過被劾張松園廉訪吳曇繡觀蔡見其詩尤重

之等之不得遂有西域之行君殊不介意請

室中猶不廢吟詠蓋其所得於中者多矣

津門詩鈔公謫戍新疆釋還家居鬻書自給顏

所居日隨緣自署日陶令歸來惟乞米鄭虔老

去尙

箋詩

紅豆樹館詩話先生謫官塞外與大興龍兩樵

倡和詩名藉甚人稱龍沈旋里後手訂其詩分

少作宦游塞外歸田總名欣遇齋集令子雲巢

太守先刻宦游塞外二集餘刻未竟茲所錄皆

已刊本也先生詩出入漢魏唐宋諸名家而不

襲其貌渾厚宕逸於少陵東坡爲尤近其自序

云宦游旅寓足蹟半天下登臨酬答感懷紀事
之什遂盈卷軸而詠物無與焉觀此可知其取
境之高造詣之遠非摹擬纖巧家所得儷也書
法王趙端凝有骨嘗拓墨刻行世當與韻語並
傳

短歌

離離鳴雁集於北林飄風自南祇攪我心一解有美一人

其心寒淵自我不見於今三年二解居無束薪出無故人

為貧而仕既仕乃貧三解匪託蹇修徒傷婉婉衣垢當濯

日暮當返四解

河中之水

河中之水石齒齒吁嗟古人抱石死

河中之水流湯湯百川灌之濁且黃

詠懷

四序寒燠易雨曜東西奔子翼去其足造化至理存人
心亦天地機械難具論每嗟直絃死坐令清水渾灼灼
桃李華春雨流其根歲久乃生蠹太息將何言

天門虎磨牙瘴海蜮射影行路乃爾難何爲踰五嶺初
乏九百粟腰折髮垂領入窞不容出自孽發深省妻孥
怪我愁酒食頻視喫一聞桓山鳥徘徊清夜永

亭亭山上松鬱鬱當歲闌天風拂其枝其聲如驚湍松
意本無競孰使感百端砥柱轟龍門未必障狂瀾一傳

乃衆咻一暴况十寒遜世庶無悶中立良獨難

古人酷好龍真龍乃驚怖今人亦好儒真儒乃戲侮此
中無定識焉能別好惡同心隔河梁相思渺難度且持
一尊酒伴此朝與暮

人生逆旅客男兒可憐蟲悔馳八千里遠別一畝宮頭
顧四十許彈指三年空老親望兒歸書來語嗚嗚自愧
不得力何爲孝與忠飽經憂患餘通塞隨昊穹食茶不
厭苦酌醴不厭醜君子學爲己未敢忘固窮

責躬詩

作吏果爲誰勞勞夜復晝戒察淵中魚宜拭鏡面垢斯

民本一體甘苦曾在宥不恃鞭扑威所冀風俗厚緬懷
辭故都屈指歲且又孤城頗荒瘠積困難補救庶幾間
闕肥何妨長官瘦每祝穡事成遂生卽身受憫雨忽告
書駿奔顛蒼祐山田已龜坼海風况鯨吼臥聞茶鼎沸
失喜響簷溜起視青天高芒刺儼背負藐躬一無能竊
祿多內疚勉從哲兄訓思爲老母壽政拙果罔功悟往
當慎後何時返舊山得失兩无咎

林慶章明經達品文學借書送酒賦謝

東坡南遷時相隨記二友今我獨何爲行篋百無有艱
難還讀書如病困鍼灸何者爲美官齊大非吾偶舟車

誰晤言一編常在手觸景獲佳句欲唱且緘口深谷屯
寒烟柴門映衰柳十字不成章亦復喜搔首清氣入肺
腑齷齪豈耐久知己得二士借書兼送酒足了十日眠
案牘况停剖傳呼中丞來行復事奔走今我不爲樂吁
嗟杜陵叟題詩謝高情一紙能辨否

尋二蘇寓居遺蹟不可得

飽讀二蘇詩不見二蘇蹟東坡與東軒何啻更何寂想
像對牀吟樂此風雨夕我來六百年隨運聊自適雲穿
斜日破藤抱斷碑立感慨亦何爲厲志在金石

中秋塞外對月

涼月不繫天冉冉空中行晶光紛四射白露皓已盈山
淨草木衰沙磧千里平那得絃管娛瓦缶間蘆笙興發
不暇愁漣酒斟匏器拍手自成歌姮娥笑欲傾妻子隔
萬里佳節月四明惠好指皎日豈必同車征明年復何
處凡事難預評願如月不老悲喜皆忘情披衣照無寐
耐此秋蟲鳴

飛來寺

看山目欲眩入山神頗王苔磴盤谿衍羣峯非一狀松
風灑飛泉寒氣鬱摩盪禪石或點頭猿公本無相暝坐
清音閣凝碧浸千嶂緬懷帝子靈荒遠母乃妄臺觀幾

時移雷雨一何壯蕭梁渺遺跡歲月隔塵障似聞龍象
遊玉帶誰能偈日午鐘魚鳴還舟狎輕浪

玩雪贈馬敬堂明府

久雪人語靜庭柯皓縱橫掩關還卻掃小窗湛虛明羣
山忽然失天地何光晶相對起寒色斗酒聊共傾明年
南中雪君當返柴荆孺穉牽衣笑晤問塞外晴紛糅六
出飛沾濕裘與纓遙知爾時雪中含絲竹聲抱潔非有
異人事殊虧盈

感懷和坡公羅浮香積寺韻

人生終入無何鄉眼前得失爭毫芒未聞道義獲咫尺

徒聞善敗供雌黃譬彼椿栲質已定妄冀出土芽而秧
我木賴直無媚骨未俗譁駭爲真狂初望筮仕近陝洛
詎意受邑來高涼獄訟稀少民氣朴衙舍如寺無關防
始惟乏爨逮廝養漸乃棄室忘糟糠計程應過豫章北
對酒忽憶豚魚香有田不歸如江水懷慙汗出真如漿
劇知心病非易可何妨二豎居膏肓

小亭初成志喜

景物在心不在蹟聊憑外象攄胸臆此語得之超然臺
甘拜坡仙成莫逆竊取佳話顏其堂復作小亭八尺長
綠樹濃陰清氣肅禽聲盡韻皆琅琅新花媚好如侍女

但惜寂寞無幽香有時閉息觀衆妙不知初月懸昏黃
羌無賓客與說鬼幸有風雨催銜觴厥亭不名惟得趣
菟裘無思亦無慮卽今相對且盡歡未知明年在何處

清遠峽

衆山夾水水抱山青林倒影波潺潺濕雲模糊夕日短
萬象竊窕沖融間舟人邪許乘急溜看山如馬難躋攀
孤艇夜泊飛來寺朗月出峽照我顏羣動皆息幽鳥戛
山氣砭骨清珊瑚嘉魚跋浪水光碎舉網易得非深潛
烹薦金盤芼薑藻呼婦對酌何能慳平生欠到富春渚
大江南北曾往還明快幽峭各有致天桃蘭芷原同班

劫來幾載不相見
夢魂往往登天關
徑須萬壑徧攜屐
何止半日浮生閒
咄嗟此事未易辦
挂冠東去依雲鬟

贈孟茗浦明府

有車共乘笠共戴
古人友誼久可耐
相逢何必不相離
豈以真誠或拘礙
我距君家千里遙
公門桃李同攀條
香名早飲初未識
仕途異轍難招邀
詎知彼此遭貶斥
烏孫磧裏聯晨夕
狂歌爛醉三百場
老馬嘶風邊月白
飛雷驚湍倏幾年
故園歸去嗟無田
步檐攜手且說夢
寸心耿耿非求憐
君還魏博我沽水
君儻能來定可喜
小兒讀書女織練
勅具雞黍供浮蟻
無官亦得貧何妨

閉門不復馳風霜升沈細事莫挂齒歲時伏臘追翺翔
送金蘭舟還浙江

離恨天高幾萬里人間路遠詎如此餘杭原不在天邊
計日數程卽到耳君家白頭雙老親聞君得歸笑語真
上堂甘旨拜家慶拂衣莫帶輪臺塵憶君出塞僅三載
松竹滿庭色未改牽連細故那足論且可藏身對湖海
我初見君情相投君今南去誰能畱聚散何常休戚若
思孝大義蒙天庥日瘦風酸春尙淺東行好逐朝暉暖
知到關中歸興濃肯因花鳥驅車緩送君但祝加餐食
有使寄書無亦得承歡多暇定開尊西望浮雲儻相憶

送周鵬堂侍其尊人旋江南

青田白鶴丹山鳳肯向雞羣雜喧闕人生除是產空桑
忍背君親甘夢夢執政持法泣小臣玉關遠戍罹艱辛
有子焉能戀家室矢同飢渴趨風塵來時美皙歸顏變
流光十載驚飛電共說恩寬石父囚誰知力盡黃香扇
我見尊公不記秋異鄉執手情縟繆君時侍側恭且婉
快談閩嶠娛羈愁書數博奕皆精絕深宵縱酒寒雲熱
乃翁含笑擊唾壺不管門前三尺雪我住輪臺君昌吉
復從刺史作記室中間判袂隔幾程形影雖分猶接膝
我今代瓜君旋南歷盡戈壁勞征驂白門風景宛如昔

爲翁補屋披雲嵐功名外物奚足取承歡差勝嗟靡盬
我亦歸家教子孫擁書臥聽滄江艣

聽友人述成都山水之勝

懸崖作棧平若掌上接飛雲下猿響攢峯凝黛水接藍
競秀爭流互雄長遙天一綫豁然開綺陌鱗鱗皆沃壤
錦官自昔號花城樹色村烟颯蕭爽百花潭北萬里橋
人在琉璃蒙翠幌東踰巴峽西控秦蠶叢魚鳧安可仿
惠陵草木尙風烟莫話降王助悲愴我生足跡半天下
充豫荆揚及黔廣山川佳境頗見之廿載追思殊恟恍
今來塞外亦壯觀亂水童山走魍魎聽君僕指說勝蹟

蜀道非難增慨慷他年縱許浣花遊
衰謝何緣更尋訪不如津淀且逍遙
歸去猶堪松石賞

博克達山歌

五岳之外此獨尊崇岡虧蔽藏朝暎
亘三百里高萬丈勢傾西極排昆侖
支峯蔓壑各有態如龜昂首如猿蹲
又如浮漚互粘結蒼然一氣相吐吞
羌無栝柏鬱拱衛僥有雲霧時留屯
傳聞嶺脊涌神漢天池倒瀉琉璃盆
終古積雪光慘淡疑驅鬼物環而奔
山趾泥淖困登涉觀者錯愕迴輪轅
佛祖寂靜成道果肯容建刹喧緇堯
中原曠邈自雄長屹然作鎮當諸蕃
朝廷封秩展祀

典春秋柴望馨蘋蘩我來幾載淡相對山靈恍惚昭吾
惛持比醫問豁鄉思晨夕百變臨衡門丹青旣拙吟亦
劣何由繪贊誇乾坤心馳目賞不可極邊風歛卷塵沙
皆

漢永和碑歌

碑在巴里坤

炎精墮地天爲坼千年誰復征西戎羯奴攘踞作窟穴
怕探虎子驅熊熊伊吾山下屹片碣七十餘字三尺穹
永和二年秋八月敦煌太守裴雲中將兵三千誅呼衍
如聞戈戟聲撞衝漢時郡將得簡閱專征斧鉞諸侯同
苟利國家便行事叱咤所向皆成功屢未擅兵乃有罪

鼠盜亦復藉聖聰勝敗呼吸豈可待譬彼捕蝗緩愈凶
我思呼韓久朝貢烏珠亦與中國通和連蒲類各掃蕩
長羅奮武如雷風呼衍殆是小部落白龍堆裏一倮蟲
拉枯摧槁誠易爾何用張翥夸戰鋒此事不載班范史
大畧私記觀軍容羌人謏劣不識字斷難屢作如劉公
太守好古搨贈我畫兼隸篆文朴忠真有此事無不可
丈夫自命須豪雄久居塞下罕所獲摩訶歌歇蒲桃空
歸裝頗笑陸賈俗且唱得寶來宏農

信宜道中柬陳大尹

林密常含潤花繁不辨名荒途浮石氣急峽走雷聲地

接蒼梧近官如宓子清使君仍露冕豈敢憚山行

茂名道中

野飯時偏促危橋路半紆雲黃禾熟處山白雨來初
拈牌真生肉搔頭不滿梳微官緣底事猶賸讀殘書

初秋

豈有新書作偏逢桂樹留月華能伴客蟲語不因秋
數載誰青眼微官已白頭只堪歸去好杜若滿芳洲

仲春途中書所見

曲折緣溪路深村隱蠟牆新篁纔解籜宿麥已抽芒
頗愛舟如葉何曾足似霜蠻謳偏動客忘却在他鄉

循海觀魚

何許任公子居然釣六鼈喧呼方舉網狼藉不容剗沙
白雲陰合天青海氣高給鮮良自愧嗟爾涉風濤

登麻斜礮臺

鳥散高臺寂登臨日已晡羣山濃似沐遠水澹將無雨
壓炊烟重風移釣艇孤往來津吏熟失喜一相呼

過海珠寺

古刹依寒水林花覆短亭一聲清磬寂幾疊暮山青呢
鉢龍行雨焚香鶴聽經不須更登陟跌坐且揚舲

寄內

當君來嫁日是我遠遊時錦字經年織秋河隔歲期萍蓬隨地轉舟楫到家遲相贈無他語殷勤自教兒

憶幼子兆洛

阿廣最關情遙知意態清牽衣娛大母覓棗喚諸兄典謁期承業傳書早命名何年歸看汝不敢望聰明

除夕雜感

休沐君恩重追歡冷署微一尊春色早萬里故園非短札逢人寄鄉音到耳稀只堪娛寂寞底事問腰圍北去憐鴻雁南飛惱鷓鴣書生沈簿領稚子閱江湖異俗何須怪殘年倏已徂歸田應自判官不值尊鱸

旅夜

僧房借榻頻夜靜燭依人已悔十年事空嗟萬里身家
添黃口累路遠白頭親去去從吾好深慙耕耨民

重九靖海門登舟

久客不知節重陽且泛舟遠天青欲墮疎樹淡宜秋小
住江邊市長懷花外樓五年虛采菊况乃望并州

月夜舟中作

片月下高空江山露氣中村深明遠火秋老斷寒蟲往
事蘆中客新銜塞上翁夜闌搔首望星斗尙天東

九江待渡

遠水碧于天，征途直似弦。且停孤客騎，又上九江船。野
屋寒雲重，高城夕照偏。應憐彭澤令，老去未歸田。

鹿邑道中

獨樹如人立，羣山挾雨來。蒼然秋色斷，忽見戍樓開。驛
路稀芳草，鄉心對落梅。西征慙賦手，慷慨有餘哀。

涇州

濁水咽還流，行人古渡頭。沙平環地盡，山斷逐雲浮。春
早多歸雁，農閒各放牛。高臺明鏡在，象教未堪求。

古浪

山低雪易消，流水漲平橋。地絕燕支女，春多苜蓿苗。政

聲懷令尹歌拍想瓊簫明發邱遲座清言慰寂寥

獨夜

河漢忽西落月斜林更深雁聲衝塞起山氣壓城陰書
秘囊中草絃留海上音清宵感漂泊始悔負初心

漫成

曉睡如中酒春寒可讀書登山頻送別臨鏡渺愁余樾
馬嘶猶壯籠禽翅不梳故園人罕到休說信音疎

安濟海

遠村相對出仄路一彎平歸鳥落寒影夕陽開晚晴人
閒鄉思切春暖客衣輕山店欲投宿斷鐘三兩聲

七箇井子

投宿如爭穴停驂倦乍消土牀高似几茅屋小於瓢燭
影陪金盞鄉心度板橋喜看新月上眉黛倩誰描

嶺南雜感

黃木灣頭驚見日飛來洞外歎無山珠蘭香好羞言媚
么鳳聲清總帶蠻南漢樓臺原夢幻東坡詞賦且江關
便應歸領祠官長叢桂何因得再攀

暮春行近郊

細草平沙一望春疎林含露淨無塵潮田已播牛眠穩
籓屋初成燕語新山外亂雲非廢市渚邊孤艇識龍人

詩情得似蘇公好符老黎生可卜鄰

秋懷柬寄東巖兄

銅刻初驚五管留看山會不到羅浮敢期禽父三年最
恥伴平原十日遊心爲多愁如怖鴿事因無定笑牽牛
謝公哀樂情偏至莫羨車前擁八騶

闔南今日付蓬心葆髮年來雪漸侵老至轉憐兒女樂
詩粗空負水雲深孤城夜足風濤響四壁秋添蜥蜴吟
莫是長沙容賈誼月明天遠雁聲沈

歸日應憐太瘦生使君耐職木天成登筵不羨花豬肉
駭俗猶傳玉糝羹官燭然來看淚滴敝裘著處喜身輕

乘堅策駿徒然耳
喻蜀何煩問長卿

粉榆風景近何如
歲歉頻聞稻蟹虛
倦客病來真止酒
故人別後久無書
一經課罷遺兒業
十笏堂成奉母居
此志儻酬吾事畢
不妨稗野著新疏

送宋尉之任儋州

黎母山前曉放衙
春風開徧刺桐花
循良易地皆成治
眠食隨時莫憶家
留客且看雲外鶴
題詩好寄雨中槎
君今去矣吾何助
千里猶能共月華

過海康贈宋金門大尹

偶因棒檄得蕭閒
花墅魚莊自往還
江介春來微有瘴

雷陽西去更無山
戈船已見清三島
銅鼓猶聞駭百蠻
銀管不須書治譜
廣平名字滿人間

登粵秀山鎮海樓

飛閣高攀百丈梯
俛看殘雨貫虹霓
寒潮直下三門白
疊嶂平連八桂低
樹杪危檣排陣馬
烟中鱗屋亂鳴雞
憑闌莫歎長安遠
一髮天圍臥佛西

二月廿日作

春光坐覺堂堂去
老境真看得得來
故國經年疎短札
滄江終夜走輕雷
泥香舊壘初巢燕
綠泛清尊且撥醅
人世別離何足道
幾人曾上越王臺

贈大埔陳明府

同是炎荒放逐臣
羊城相見各沾巾
廉頗健飯其如老
陶令休官不爲貧
薊苑風烟思跋馬
韓山花雨待扶輪
知君夜夜黃州夢
月色江聲伴此身

贛江夜泊

鳳尾書應到虎頭
逐臣此夕且遲留
城笳戍笛何時歇
遠火寒星別樣秋
排闥偶披蘇老集
懷人不上庾公樓
來朝十八灘前望
多少圓沙起白鷗

旅次睢州

冰結黃河捲朔風
天圍白屋走飛蓬
眠宜糞火柴烟畔

愁挂鞭絲帽影中老眼繙書多恂况枯腸得酒尙玲瓏
眞源戰壘休相問搔首當年瓠子宮

嘉峪關

會收的博據蓬婆秦漢而還尙荷戈徼外天荒晴亦慘
春來人倦夢偏多吟鞭重戴憐將做上巳清明惜又過
歸路倏遲何處歇客心翻急望鳴駝

抵通化作

尋河直到大荒流禹畫何曾盡九州瀚海幾程常載水
龍沙四月尙披裘山圍戍卒羈臣夢城擁風戈露雉秋
聖世籌邊逾漢代漫教定遠覓封侯

遣懷

滿鏡霜華我亦嫌，強稱幻變作頭銜。
世情閱盡詩多冷，鄉信稀來夢更酣。
已罷汲泉忘漏甕，久甘食淡怕形鹽。
從今悟得無生法，雨滴荷盤兩不沾。

憶豫章舊事

憶趨子舍來江右，借得園亭便是家。
一夜驚雷抽竹筍，滿溪春水長魚鰕。
生衣試翦西山葛，活火親烹芥片茶。
廿載韶光今似否，亂峯開徧杜鵑花。

述懷

留得詩囊共酒瓢，依然蹤蹟類蓬飄。
鶴因久睡都忘警，

松到巖寒也解凋絕塞身惟親藥物故鄉人尙狎漁樵
樓頭明月風前笛可是多情伴寂寥

野望

信步崇岡俯逝川寒郊不到又經年山橫朔氣沈荒戍
雁背斜陽入遠天洗馬言愁真率爾桓伊吹笛總茫然
青溪曾有歸來約記得紅橋艤畫船

遣懷

雪霽山青弱柳紅故教閨月占春工抱疴方信羈人賤
覽古從知世事空負俠狂遊輸牖下淡交耐久是杯中
江淹老去才將盡筆力猶彎六石弓

送實夫太守還鎮西

鎮西此去踰千里烏壘來遊倏四旬
數喜青衫陪泥飲又看紅旆擁征輪
亂山晴雪人如玉古驛春風夢似塵
到日應知公府靜譜花箋鳥寄魚鱗

寒食

戲蝶輕鷗帶渚花扁舟杜老望京華
春風無主還吹雪遷客何心更問家
深巷賣餠披曉霧青郊上冢簇香車
只今追憶韶光好倚杖柴門數暮鴉

邱靜齋赴乍浦巡檢任

催花雨歇亂嘯鶯白舫烟波一葉橫
共說吳興春淡冶

恰宜官長政和平不妨畫筆隨吟卷絕勝秦關隔漢營
湖海舊遊成昨夢送君長觸別離情

送房文學歸津門

鄉山紅葉待君看歸去方思行路難羌笛塞鴻酬歲月
駝羹湮酒報平安丁年佩劍休相憶丙舍扶犁強自寬
試浣塵衣兼濯足從今那復夢邯鄲

舊居

問訊江邊舊隱居草荒幽徑未須鋤習飛燕子常依楸
勸讀鱗魚故繞書花影半牀朝夢後琴心三疊晚涼初
不知何事輕拋卻久向黃塵策蹇驢

謙齋刺史致仕旋京詩以送之

迢遞龍沙接鳳城真看公去雪山輕迴思羈客三年話
難逐朱旛萬里行華嶽雲隨征旆緩長安霜拂翠裘明
午橋杖策尋詩處應記輪臺折柳情

麗川節使葺治書齋分蔬植卉因作

柳外鳴骹雨後棋小軒幽課總相宜鳥能催句穿衣桁
犬亦防花臥竹籬未老鄴侯非好道無愁左相不銜卮
知公築室如爲政留作他年去後思

送麗川節使赴葉爾羌

晴雪千山按轡行天教佳句滿邊城葉河美玉無充佩

蔥女清歌好記名秋館華鎧橫一劍巒村錦帽拜雙旌
者番且莫栽花柳載得蒲桃入

帝京

有懷余芝巖

兩世交情萬里身舊時青鬢更如銀勞君對月愁相憶
知我無書懶是真老去醉吟多旅况夢中談笑半陳人
相逢象訂來生約往事模糊莫愴神

哈密

塞外無春豈有花伊吾今日再停車漸看弄影千絲柳
不見流甘五色瓜南北分途資控制蕃回異俗自繁華
輪臺遙隔千餘里依舊天山一桁斜

平番道中

寒帷向日絕風埃無數遙山撲面來
小市幾家還築堡戍樓數里又逢臺
松林背嶺深無路水碓衝波般若雷
撩亂春愁向春問梨花何事避人開

紅城送春作

剛盼春來又送歸柳絲無力杏花飛
半函繭紙懷人句一領鸚裘度夏衣
殘月樓臺唬杜宇晚烟庭戶落伊威
東皇豫約明年會櫻筍厨香罷采薇

吳堡渡河

彭城風雨記當年白髮還鄉又喚船
河勢中分秦晉界

山光遙入蔚藍天岸花弄客飛仍墜新月如人闕未圓
欲訪潛夫何處所亂鴉曉破綠楊烟

汾州

太行晴色照汾河簫鼓樓船漢帝過寶鼎已沈雲氣散
竹宮猶峙夜光多虛傳醴醑邀詞客那得夫容引曼歌
一片銀蟾千樹柳煩君相伴到滹沱

大衙道中

老屋三間鳴蜥蜴秋厓一線裊修蛇不知何與離人事
逢著青山便憶家

電白道中

野草無名夾路齊
平田如罨半高低
試鐘時節晴兼雨
幾處鶉鳩相向啼

入井陘界

萬點蒼山近草廬
炎風烈日尙驅車
固關一路槐花落
席帽如今懶上書

國朝畿輔詩傳卷四十六

國朝畿輔詩傳卷四十七

長洲陶 樑 梟 薌 輯 寶坻高繼珩寄泉校

查禮

禮字恂叔號儉堂宛平人爲仁弟歷官湖南巡

撫有銅鼓書堂遺稿三十二卷

杭世駿序儉堂詩原本忠孝少作已自可傳而傳儉堂者尤在服官以後之作儉堂身際清時有猷有爲不肯以虛聲竊盜一編治譜見于盈寸之詩匪惟競爽蓮坡有用于世此其明效大驗矣

顧光旭序銅鼓書堂遺藁時或驚風雨泣鬼神時或諧韶蕩咀金石千捶百鍊而合于自然藉非浸淫百家陶鎔萬有其孰臻此閔中肆外從心所欲者哉

查淳後序府君乾隆十三年授戶部陝西司主
事以同知發雲南旋改廣東補慶遠府理苗同
知擢守太平太平界安南爲廣西邊境獠獠雜
居府君撫循教授瘴鄉窮谷巡行殆徧先祖母
王太夫人年高陳情終養起補四川宜遠府知
府明年授川北道調松茂道三十六年有小金
川之役隨營總理糧餉三十八年將軍溫公進
剿大金川駐軍木果木賊勢猖獗府君時駐美
諾請兵往救兵遠不能驟至遂調糧臺兵二百
餘人募丁壯百餘人偕遊擊穆克登阿往援行
至猛固橋聞喇嘛寺糧站已失士卒狼顧不敢
進府君諭曰我退賊必躡我我軍亂賊必乘亂
擊我勢難免矣整旅而進以待後軍必無患會
松茂總兵福昌亦自美諾至行次破礮遇伏府
君擊之擒斬祭首二人喇嘛一人餘賊驚遁聞
賊攻八角礮甚急分兵救之而已偕福昌馳回
美諾禦賊多舉燒火賊不敢下然是時木果木
已失美諾勢不能保乃退守達圍三十九年將
軍阿公進軍谷噶山籌改運道召府君問計府
君請開坎抵之日爾拉山以通饋運山高五十

里無蹊徑積雪六七尺終歲不消府君縱火燒
凍磐石爲磴匝月功成四十七年大兵凱旋府
君仍留綜理屯政而果羅克復有劫殺蒙古公
里塔爾之事奉

總督文公于前二月已撥兵出紅橋關府君曰

果羅克生番獷悍土地遼廓無城郭室廬之聚

我兵出關賊已遠遁何益之有乃傲官兵入關

揚言塞外苦寒俟來春再舉而密調三雜谷計

練四千會于松岡銜收疾進至境始宣諭奉

旨來緝賊餘人無非酋長麻克蘇爾袞布

進見府君問賊所在對言不知府君怒命檻車

解送成都酋惶怖具言賊主名區處悉擒之由

是西北諸夷皆震悚四十四年授四川按察使

次年轉四川布政使四十七年升湖南巡撫入

覲留京卒年六十有八府君少好學問老而

彌篤雖戎馬倥偬簿書填委未嘗一日廢書于

軍國機宜民生利病講求最悉其溫柔醇厚慈

祥愷惻之意往往見于歌詩讀者可考而知也

蒞謁山房詩話中丞爲蓮坡先生弟能吟詠喜

賓客襟抱與兄相似尤嗜古印章金玉銅鐵自

吾子行王厚之而下名人鐫刻者無所不備藏
弄至有千餘生平莅蜀最久而居西南松潘徽
外者十嘗七八崎嶇險阻爲羌人所服偶歸省
重築楊文憲升菴藝花竹招邀爲文酒之會然
亨衢初達遠賦龍蛇此此勞
臣志士所爲扼腕太息也
蔣士銓懷查恂叔詩瘴鄉三十年鐫詩瀉岩壑
榕巢住仙官胥吏無從覓露冕看詩翁撫字多
勞績又題榕巢園潭潭府中太守居簿牒滿案
圍吏胥公餘卻嫌官事擾何處掩關直著書池
上老榕壽百歲入地參天閱人世斧斤赦後得
全生風雨來時堪自蔽一枝撐立孤鵬鷺一枝
橫偃若龍眠池邊倒影鏡花舞岸畔側身隄蟻
穿中問架屋小巢露賢守新營讀書處繁柯巧
構豁檐楹密葉微間通牖戶瘴鄉毒淫五嶺同
可有夢麴山鞠窮樓臺豈但坐卧適腰腳亦免
診徑攻方丈真如鳥窠綴半夜吟聲出天際山
川幾處借雕鏤木石居然無廢棄嗚呼名賢所
過跡蹟留後來慨結思前修碧梧
翠竹多鸞鳳下視憐他鵝與鳩

紅豆樹館詩話蓮坡居士關水西莊館大江南北之彥時恂叔甫弱冠每有倡和出語已驚坐泊官京曹輦下名士咸與攬環結佩文酒之燕無日無之銅鼓堂集清新婉約出入王孟蘇柳間者出守粵西以前作也登山臨水慷慨振刷鬢髮乎陶杜陵之室者滇蜀軍興馳驅戎馬間作也清而能腴雄而不肆誠與蓮坡居士異曲同工而驅役卷籍刻畫性靈之處殆欲笑過伯氏嗜畫梅跋語附見集內儲藏唐宋人名蹟及金石碑刻最多今聞俱散失矣

曉出廣益門望大房諸山

樓聲靜天衢蚤起逐鳴雁巖霜滑馬蹄漸喜晴旭日出城囑退景村塢宿烟散西山青于螺一一排遠岸疎鐘度佛屋密樹翳仙館層巒殘雪明仄岫凍雲斷薜蘿如可攀應有幽禽喚逍遙鞅轡停貯目愜馳玩

丁家窪

高崖四面圍深谷如仰釜流水漱石根蜿蜒到蔬圃砌
埽積層冰清光耀鷲羽飲馬忽忽驚踏空仍在土飢鳥
棲一枝羨彼老樹古園林寒翠疎鱗次出檐宇闐寂塵
慮空覓句吟逾苦飄風動征衣孤村響砧杵

羊頭岡尋高尙書墓

寒岡淡無姿子立森瘦骨徘徊亂石間疲馬鞍暫歇側
聞高尙書葬此山水窟流傳墨竹派遠繼湖州笏二米
染雲烟師承盡毫髮遺蹤四百年來者失津筏我循墓
道行松鬣猶蓬勃豐碑侵綠苔幸未近耕塋虎嘯動深

谿悲風自此發。暝色何蒼茫。吟心轉恍惚。但讀四巖詩。
珠林照寒月。

贈杭大宗編修

龍輔藏堅珉。精英達山表。馭駟生渥洼。天閑待騰裏。自
古宏雅儒。奇光不終葆。苟非明堂珍。卽爲清廟寶。君才
萬夫敵。充實無虛矯。美質含珊瑚。璉清文飾黼藻。蚤年事
述作。肆力志軒輅。機杼由性靈。規撫惡竊剽。汲古功尤
深。筐篋任傾倒。豎議長城堅。披源大河浩。優游三十載。
藝圃秉麾纛。忽應裘書求。觚稜日初曉。遠辭薜蘿徑。時
視明光草。螭坳長拜趨。柱下恣蒐討。三禮昔紛綸。聚訟

煩勘校君憑學識超折微虛必擣明辨忌雷同純粹體
直道鄭王與孔賈箋詰窮杳渺歷角詣省初奪席衆儒
小憶昨訪君廬輾轉走行潦旋念水中央幽懷獨縈繞
蘭蕙本同根芬芳無異抱先路凱相攜周行殊了了倘
肯分秋鐙來繙石經考

自汶川過笮橋陟馬嶺作

逡巡度笮橋如開北門鎖中外自此分囊硯糧並裹魏
我見馬嶺江流激嶺左登高俯深湍箕風肆掀簸下馬
策杖行徑側足若跛置身逼烟霄影忽忘我俯看飛
鳥低輕逐浮雲墮絕頂望無涯亂山青朵朵

回輿下班嬾山投龍巖宿

雪晴萬里白
哀哀猿亂啼
明發陽崖嶺
暮投龍巖棲
天寒
景色短
向夕感
故蹊霞
駁映對嶺
杉影紛迴
溪茆檐
臨水側
前軍屯
峯西兵氣
自振赫
戰馬聲
長嘶遊子
心慨慷
豈惜歸
途迷熒熒
一鐙暗
不寐聞
霜雞

兩水口

江源自北來
我馬折西去
循山迎水行
馬亦如水怒
潺湲響急流
亂石點沙渚
望望無驛亭
惟見巒間樹
野菊花色黃
幽香向人吐
山禽語瀏亮
風葉乍飛舞
緣崖黑
檀廬大吹草
深處炊烟一
縷鷓稞麥
和茶煮景物
異關

內咫尺分塞土秋風吹不乾涼雨泣宿莽

由灌口渡江遊青城山

山遊與何濃夜夢繞胸膈此行良不虛遂我烟霞癖
隔宿裹餼糧呼童束圖冊草屨縛周遭竹竈搆媿媿凌晨
翦江波手掬岷流澤野艇逐涼鷗渺渺水光白艤岸從
肩與塵淨烟嵐碧仰矚丈人峯蒼翠滴巾幘迢迢二十
里探幽越阡陌石橋枕溪背敗葉塞泉脈江聲逐客來
所歷無俗蹟杖影倚青雲嘯歌慰今夕

宿格登漢

路轉羌塞間土地盡燒塢荒坡少雜苗惟聞水激搏遠

林叢且深永斷樵斧斲境靜無煩喧時有飛鳥啄巖泉
在穴清下流已溷濁孤雲自去來可近不可捉我馬行
草中俯仰獨吟踔何處一聲笳殘陽溜山角

漢氏成園丞印歌

延陵蔓草千秋荒土中掘得古印章印文屈曲摹印體
大小篆法殊雲陽奉園宮人理妝具上飯朝朝隨服御
大官送物誰典司園令食鹽專所務二十五祠廟祭繁
四時祠祭惟陵園駿奔趨走實夙夜職卑亦得親版牘
尙方精鑄龜爲鼻縮繫何人亡姓字翁仲爲守並忘年
玉雁金魚同棄置當時飛燕啄皇孫淵默空言望若神

一杯黃土歸耕牧何如此印同貞珉摩挲翠色堪人愛
金石錄中昔未載重簾夜靜生古香肘後奚須如斗大

諸葛銅弩歌

生不能回身擊腳隨材官手持白竹擒樓蘭又不能運
斤削木隨巧匠采幹恒山入幽嶂窮年埋首事蠹書遠
稽秦漢追唐虞昨朝市中偶得銅器一似簡非簡觚非
觚歸來徧閱古器圖有物塊磊形相符云是諸葛武侯
所製元戎弩月以左射右射從前驅青錢斑斑凝綠蕪
圓軸宛轉如門樞箭槽一道中間刻惜哉今時無人解
此器不然試之百步千步可廢雙鞬弧淮南有遺語銅

不可爲弩其言荒誕無足徵視此尤堪醒愚瞽武侯固
是天上人留賒小物皆稱神銅鼓至今響蠻服木牛當
日通秦軍弩隨八陣守堅壁幾聞猛將迎鋒鏑渭水那
山杳無蹟往事空吟籌筆驛君不見白帝城南沙磧中
亂石瑟瑟生陰風梁來法和箭鏃空於後誰復知良弓

紫丁香花歌爲杭大宗編修賦

春陽作暄花事穠萬卉爭光鬪嬌嫵嫣紅姹紫紛陸離
如火如荼集亭園就中丁香尤麗都李俗桃輕迴難伍
我家結廬城南鄉曠者宜田與宜宇茲花開日春正妍
不惜尊罍醉簫鼓今年春作城中遊軋軋雙輪碾塵土

臨風怊悵歸去遲竊恐飛英落如雨松吹先生我故人
庭有名花恰當戶登堂靜對娟娟容彷彿南鄉花乍吐
高枝似裊紫玉烟低影還如紫雲舞柔肌纖骨不勝扶
細眼明眸疑欲語蒙茸亂藥笑紫荆更比紫薇重難舉
羨君深院金屋同貯此娉婷十三女看花有客昨朝來
聞道吟聲滿環堵惜哉良會小差池未及花前倒清醕
繁華盡逐風波流已去韶光喚誰補先生高致超尋常
一室從容考今古晨昏坐卧清香生身與名花合稱主
此花自昔少留題喜見詩成羣玉府牀頭如輯種樹書
應採搖章入花譜

書萬山谷蓄貍說拓本後

摩圍老人有奇氣落筆巖巖若天驥少年得力蘭亭碑
晚向黃龍悟三昧吾初操觚見公字癖嗜直過美與裁
規模尤愛蓄貍篇腕力深沈意英鷲尾題紹聖庭堅記
此歲黔州始安置新聲徧唱歌羅詞幽夢遙通夜郎地
嗟公此日升忉利惟贖遺嫌播人世莫道雙鉤舊勢微
筆材猶識吳無至

送潘廷簡孝廉歸仁和

春風日日吹平湖潘子束裝將出都問君行色何念促
客久思歸湖上屋湖邊明翠抱孤城幾載夢斷湖水清

留君不住執君手未別且斟臨別酒憶昨蕭齋相見初
交期何啻陳雷如宵分短燭朝研露點易論文忘日暮
春鷓秋蟀俄五年一旦日歸情黯然人生未得如麋鹿
終擬棲巖同卜築蒼雁蘋鱗莫久疎尺書頻寄慰鰥夫
長林漠漠浮雲遠君到西湖春漸晚摘茶挑筍吟新詩
鄉物定應異舊時

題東坡贈李方叔馬券拓本後

東坡先生出玉堂儼從奕奕生輝光車前騰蹕有二馬
並是君恩寵賜者東南水國例肩輿一馬乘之一馬虛
故人卻遇李方叔無馬無輿行蹢蹢脫驂以贈敦古情

杭州太守多賢聲復恐他時馬或賣特書公據爲馬戒
方叔家貧芻粟空馬瘦售難生計窮山谷老人更書券
定價應須二十萬不惟得馬且得書馬雖不得書有餘
嗚呼二子風流傳世永舊搗至今猶峻整古香幅幅飛
烟紆墨光豈異天閑駒我家寶此若球璧日夕摩挲賞
遺蹟千金駿馬誰能易

過法源寺觀唐蘇靈芝所書寶塔頌碑

長林夾立森蒼官葉聲颯颯風雨寒唐年古寺小巷內
兜羅地淨輝朱丹因僧索觀寶塔頌緩步廊腰花影動
方碑一片委牆陰歷代已過遼與宋齟齬詰屈讀未全

送吳思立先生之西安幕

傳經懷昔日風雨隔南天鼓棹來千里離筵已六年青
山紅樹外白髮綠尊前且盡侯芭酒升沈聽自然

沈確士自吳門詣都停舟見訪留飲舍南小築

學士聲華舊江湖理釣篷遠辭茂苑月暫泊直沽風在
道勞攜杖開門快翦蓬清尊照短燭一笑酒頰紅

雨中登越秀山寄高季冶布衣

灤州井里季不見已經年手值千株樹躬耕二頃田嶺
雲依北闕江雨暗南天登眺懷君處春山叫杜鵑

桂林雨夜懷丁敬身布衣

桂林客館靜幽極我心知把酒孤燈夜懷人疎雨時鐘
寒深著火硯冷獨敲詩吟想了生苦更殘臥定遲

送家天來姪歸仁和

雪後金湖水似雲羨君歸路惜離羣柳條送客清難盡
桃頰迎人色正醺酒罄餘歡翻寂寞詩添別思倍殷勤
縈紆碧草三千里兩岸鶯聲忍獨聞

答葛搢書馮敘九張少儀陳以舟見過水西莊之

作

水西晴雪照千塍村墅風多未試鑑梅怯餘寒剛破夢
沼憐輕暖漸融冰徵歌那得梁間繞待月還看樹杪升

誰信嘉賓翻作主深情如酒醞難勝

送張少儀鴻勳李開地程軼青還吳門

離筵別酒太慙慙秋色平分遠近同
沾水雁來蘆正白吳江人去豆初紅
物情共覺浮雲淡詞賦爭誇所地雄
後夜相思何處最小樓明月一襟風

東木來自滄州經宿卽赴都門邀飲不至

簾外春風已四朝君來卻值落鏗宵
看花最喜梅連屋敘別何嫌酒一瓢
不道高軒人易去空餘四閣月難邀
殷勤爲寄京華字歸路重經慰寂寥

寒食過水西莊雨中作

歲月侵尋歎擲梭身同泡影感滄波水西寒食烟九冷
門外梨花雨正多悶檢殘書人懶讀喜添新漲客須過
可堪載酒呼漁艇獨把魚竿溼短蓑

雪後得汪西顥閩中夏夕坐戎幕西池見寄作依

韻和答

載酒清狂憶次公草元寂寞老揚雄魚鱗屢寄燕南字
蛟脊仍論海上功殘雪光陰無客伴徂年風景轉大同
西池山翠應如舊翹首疎梅畫角中

重陽前二日得錢坤一宮詹書卻寄

黃花未放酒尊虛客裏相思雁影疎天祿故人精識視

石渠幾載靜鈔書軍行旁午通邊塞米作高山走里胥
休問從征愁白髮暮年詩賦近何如

王琴德吏部由滇南來川以詩遙寄子月六日借
損之抵汝川留榻行館作竟夜談因次原韻以

答

拂廬連壘結壇鄉雪片封山冷夕陽徼外鳥啼邊草白
關前馬踏陣雲黃短兵西向如飛礮上將南來定破羌
報道故山聯騎至盾邊籌筆助疆場

飄泊萍蓬蹟畧同近搜鋒鏑百蠻中錦衣軍駐桃關北
畫省郎馳玉壘東寒夜小留欣有伴吟壇潤別恨無窮

圍爐翦燭西窗下詩律當嚴似卽戎

自熱耳寒移營阿喀木了

峩峩熱耳已摧平飛騎紛紛更拔營月白一天真不夜
燈紅萬帳寂無聲溪流汨汨隨春去山色茫茫向客迎
徧歷蜀西奇險境蠻鄉何日罷刀兵

上巳後一日招逢書農水部胡行偕中翰徐壽石

大令集飲浚波小築分韻得流字

蠻鄉禊夕也須修此聚人同海上鷗山樹當門搖畫影
溪魚應釣溯春流幾年邊塞渾如夢三月鶯花不解愁
莫笑水窗詩酒興天涯白髮已盈頭

曉發出松岡界入下果羅克土境

凌寒起喚束晨裝馬上微吟任短長
春嶺斷雲千尺練
曉天殘月徧山霜何年設險仍連蜀
往歲驚馳在破羌
老去不知行役憊風旗獵獵鬢蒼蒼

寄懷陸赤南丹陽

天際扁舟一葉輕蜀山楚水記歸程
楝花風裏帆初卸
楊葉丹時節又更知已何如錦里舊
吟情應比練湖清
我留塞上增惆悵未返蓬婆的博兵

六月望後二日金縉甫觀察吳中林司馬梁首存
杭大宗二編修陳星齋檢討汪西顥吳敦復趙

誠孚施竹田四土舍招餞湖亭賦別

小住湖濱不待招幽深亭館暑全消荷風縹浪翻千頃
山雨飛涼過六橋差喜官程留勝地得追玉局在今朝
離江桂嶺相思處長望音塵慰寂寥

牂牁江上寄汪西顛徵君武昌

幾點霜花月半彎牂牁江上水潺湲美人香草懷三楚
濁酒黃柑醉百蠻客裏無書供我讀篋中有句待君刪
年來嶺外稀消息惆悵天南鬢欲斑

四月十八日商蒼雨太守至粵雨夜話舊

嶺南欲見恨無從雲樹迢迢隔萬重朔雪天街曾作別

瘴烟蠻地乍相逢
鏡花落處吟新句
梅雨聲中話舊蹤
前去桂林堪縱目
青山朵朵似芙蓉

秋日過張氏一畝園感舊

滿目秋光落葉黃
故家風物感蒼蒼
繁絃急管飄零盡
唯有寒蟬噪夕陽

三月十七日汪西顛攜酒招同汪惇士胡文錫過

水西莊予不果往簡詩一絕

芳草如雲倦蝶魂
春風幾度拂清尊
愁腸百結花無語
開徧丁香未出門

殘歲雨夜不寐聽西山龍華寺鐘聲

屋老窗空傍古榕三更寒雨散華峯邊關萬里無歸夢
臥聽西山寺裏鐘

穀雨前二日曉入思靈山

西山草色翠黏天山下村墟繞碧泉出郭曉風吹雨過
春風十里焙茶烟

懷烏蘇占寶臣司馬

層雲漠漠萬山遮無限相思付水涯春雨春風愁絕處
杜鵑飛上木棉花

過鴛鴦橋

亂猿啼處渺離魂不斷江流泐漲痕一夜鴛鴦橋畔雨

灣灣秋水下彭門

山間貝母作花

滿目晴雲散水涯向陽坡草漸生芽春風幾日薰人暝

山路齊開貝母花

樂樟

樟字樹堂號綠起天津人諸生有粵遊草

津門詩鈔先生夫婦俱擅吟咏極闡房唱和之雅性愛遊凡歷三楚百粵遇名山大川必眺覽

句
秋晚

爽籟發天際披襟出戶清碧雲生遠態黃葉落秋聲湖

海孤蹤意關山久客情魚書多日去曾否達柴荆

趙春熙

春熙字緝于易州人諸生有雙琴堂詩集六卷

過水口峪有懷楊春臺

澗水齧山根渡石吞復吐覓徑轉荒陴寒雲封墓戶中
有讀書人抗心希往古愛而不可見遙憶獨吟苦風雪
夜淒然誰與揮談麈

資寓卽事

策蹇猶循岸鞭揮落葉中水雲殘戍道儉晉祖唐風晚
市炊烟白低窗續火紅在人勞欲歇欹枕怕歸鴻

高珊

珊字玉樹號鐵庵元城人廷獻子諸生

呂雲中邀賞菊

西風黃葉點蒼苔籬菊叢分手自我節晚已憐秋圃淡
花殘猶帶曉霜開冷香只合高人賞素影能邀皓月來
不是東君知愛客誰留清豔佐金杯

王毓柱

毓柱字秀子號畏堂寶坻人候選布政司理問
有粵游吟一卷竹香樓詩一卷

潞河道中偶感

嫁衣誰共著。襖被日栖栖。遠水春潮白，遙山夕照低。人
情爭野馬，心事付醯雞。近味南華旨，還欣物我齊。

元宮詞

百合香凝翡翠樓，術行演揲溺紅兜。翩翩十六天魔女，
舞破中原未肯休。

美人蕉

翩翩羅袖翠雲空，酒暈無端上臉紅。夜靜園亭秋似水，
莫將幽恨訴西風。

金永

永字永和號蓮塘天津人有歸與草堂集

津門詩鈔永和畫得芥
舟遺意能寫溪山小景

題畫

楓葉初丹黃葦秋扁舟獨倚釣磯頭沙平水遠無人過
坐對波心數點鷗

賈炎

炎字午橋號蕉園故城人侯選布政司經歷有

蕉園詩稿一卷

封大受傳公天性殊常狀貌魁傑與人交不設
城府少年氣盛謂功業可立就既不得志於有
司惟以書史遣日架上書數百卷手披口吟
絲桐寒不少輟每縱談今古可否人物書法東
坡填詞學秦柳而尤工為詩

吳錫麟序午橋先生詩味深旨遠未嘗有心雕
刻而秀情標舉天骨閑張裴子野云人皆成于
手我獨成于心謝元暉云好詩圓美
流轉如彈丸此實先生所自得處
石韞玉序奇章秀句觸手生春埽丁宏之浮
豔效夷甫之鮮明洵足陶冶性靈鼓吹風雅
顧宗秦序練思清新運詞委宛一歸韻之自然
不為棘句鉤章苦寒艱澀者之所為非性情超
能嘖不

春暮野行

平生嗜幽意乘暇到印原
旭日明鴉背流泉響樹根
隴晴添絮柳春老斷花魂
抱甕誰家子青蓑自灌園

晚就田家宿居然太古風
竹籬編鹿眼花徑傍牛宮漉
酒新鑿碧烹茶活火紅
山童如舊識笑為報鄰翁

遣懷

藏頭那復計昏朝
擁鼻吟成思寂寥
眼底提休真是幻
胸中壘塊未全消
黃楊遇閏須教退
翠柏凌霜自不彫
擊碎唾壺無限恨
朔風吹雪壓松梢

普陀庵題壁

吹徹飴蕭月乍三
爲尋古刹整停驂
數聲清磬月初上
滿院落花春正酣
幻境無常悲鄭鹿
勞軀自縛笑吳蠶
此生願力無多子
擬向南泉借一龕

馮福星

福星字聚五慶雲人諸生

辛巳九月自天津赴都

逆旅重陽節登高不見家心隨南去雁目斷故園花雨
溼單衣重風吹破帽斜津門從此別回首是天涯

白汝霖

汝霖字旣霑南皮人貢生

感懷

架封蛛網案封塵醋破愁城酒入唇園舍荒餘三徑草
詩篇老去一囊春晨星骨肉還留我風絮交遊更幾人
牘有吾家司馬淚青衫溼透暗傷神

杜正灼

正灼字蔭宇號叔華靜海人貢生有臥鵬樓詩

草

津門詩鈔公五言近體得王孟之髓七言近體似宋元人吾邑金芥舟張念葵兩先生可稱其曲同工

逆旅題壁

悔不衡門臥孤征天一涯斷虹何處雨野水滿村花鄉國隨時夢舟車到處家桑麻十畝在別汝負春華

春夜宴集答諸知己

詩手推元白清流接綺園溪花供酒令山月冷琴言禮樂知吾短聲華世正喧不才兼病懶遂欲老邱樊

高一鶴

一鶴字梅岑號小仙元城人廷獻子貢生

虎邱步月

羅衣怯露夜來增亞字雕闌玉手憑清漏欲沈人未散

月明貪看畫船燈

檀振遠

振遠字維藩任邱人諸生

紅豆樹館詩話維藩學詩于邊徵君隨園家赤貧織布易粟以養母或負薪入市與傭保雜作興至輒吟咏不輟市人匿笑之不顧也詩筆遵古頗近孟郊

游子吟

迢迢游子身驚親走萬里游子身所經慈母心所履身
經有盡期心履無已時誰能誇壯游惻惻使親悲

雜詩

崢嶸歲云暮凜凜朔風生時序觸人愁游子忽心驚至
精雖多感曠隔意難勝日入衆鳥歸候雁獨南征緘情
不可寄悵望涕沾纓

東風回律萬物發華滋欣欣方向榮嚴寒瘁其枝摧
折旣無膏初生將何爲謹謂雨露仁乃爲霜雪媒悠悠
伍大化委運庶不疑

端居不出戶把卷對前修古人逝已遠遺志皆可求我

心友千載高峴寡侶儔曠懷如有遇歌泣不自由讀罷
攬衣坐窗外風颼颼

贈邊巨來

與君結交久結神不結形結形形外移結神神內榮貧
病二十載濩落甘無成壯懷旣已負時輩亦相輕吾子
懷古歡雅愛如平生空山茁瑤草采采葆吾貞

居庸關

天險說何處居庸信壯哉危峯雙壁合銜口一門開勢
拱神京固遙通大漠來不知經過者誰識棄繻才

邠仁

仁字壽朋號石臞天津人諸生

送喬玉赴都

朔風吹暮雪之子去長安出郭遠相送臨歧欲別難
車沙積迥荒店夜燈寒此後遙相憶孤雲西北看

虞 潢

潢字倚駟大名人官翰林院待詔

大名縣志潢年十三補諸生工書遊京師以大學士張廷玉薦授翰林院待詔書名徧都中久
羈京師落落無所合歸卒

題西疇情話圖為成南陸作

長安久淹留役役孔顛賴時與故園思
夢寐寐落

月照屋梁懷君幾經歲攜來西疇意恍與東籬對美哉
休文筆奕奕精神萃能以高曠心寫入林泉內依依老
農圃一一皆儔類課雨或問晴良晨卽嘉會雞犬亦閒
閒桑麻咸施施康居如萬有豐年拜天惠榮辱莫我加
憂喜內茫昧何處求逍遙此實桃源界

周自邵

自邵字景洛號大迂天津人諸生有草龕詩集

題畫

桃花紅到野僧庵雲影山光共蔚藍水抱綠楊城一角
依稀風景在江南

王耿光

耿光字景豐滄州人官廣東陽江縣知縣

題畫

仙人住金闕緬懷溪山幽每於圖畫裏悠然見滄洲庭
除咫尺間四顧生寒秋微茫辨川谷羣峯照清流藤蘿
覆石壁古木如雲稠草屋三四椽中有羲皇儔扇舟江
上來疑是王子猷浩蕩入烟霧短棹隨輕鷗對此意飛
越忽若千里遊始知魏闕下亦自有丹邱

望廬山

廬山拔地連紫霞千朵萬朵青蓮花上有飛泉二百丈

海風吹落江之涯安得手持絲玉枝直入撥取瓊瑤華
虎溪蓮社總陳蹟亂峯回首空長嗟

張浴

浴字藻泉號對園安州人候選州判有子午集

一卷

春雁

花容柳影暗江津自是尋春卻避春客路風光太飄蕩
也應驚起未歸人

成誠

誠字自堂大名人懷祖子諸生有悔齋詩草

馬允剛序自堂詩直抒胸臆發洩性靈守唐人
法度而不襲其貌用宋人氣韻而不流於弱

鳴玉池

朝出幽東門逆邏向山曲忽得山之幽晶瑩絕塵俗山
峯高入雲山根穴其足中空剛一畝亂泉噴自腹厯落
響玲瓏雜佩聲聲玉所以古命名至今可三復偶然遇
勝地消受林泉福明日當再來攜書枕流讀

傷伐雨前書屋老槐

十年計樹木百年計樹人斯言誠可味失意增酸辛吾
齋有老槐霜飽五十春始植拱如把荏苒翠攢雲陰可
方半畝荒園爲之新趨庭嘗過此燈火日相親花木盛

一時冠蓋集朱翰邵子題書屋雨前原有因吾父偶執
掌執策隨風塵十七年歸來荒徑松猶存頽垣爲補綴
壘石成山村爾來餘十載老槐虧輪囷去歲枯一枝今
年朽半身烏巢不能安一體榮枯分榮者不相顧枯者
亦何云原憲貧非病梁鴻竈難温忍心運斤斧摧之爲
爨薪爲棟志久非支厦願復淪心傷前後事感激淚盈

山

寄樓霞張元奎

握手是何日天隅有夢尋連牀雙劍影傾蓋百年心雁
斷空相憶梅邊愁獨吟一箋寄惆悵東望海雲深

張標

標字蔭松天津人鯉子諸生

津門詩鈔蔭松詩如終日銜盃酒一編手不離
但看花似錦那管鬢如絲世味閉中覺人情老
漸知近來無箇事乘醉補疎籬其保陽感舊云
舊業已空無片土新愁百結對孤棹亦可感矣

自題對月銜杯小影

馳逐風塵四十春良宵佳境快開身莫言眼底無知己
影落盃中是故人

王璣

璣字允衡號月浦東光人貢生有損廬詩存

懷張墨香

吾友張公子風流世所希
謀生原自拙作客竟何依
斗酒十言富囊金一笑揮
江南風日好草綠釣魚磯

牛克敬

克敬字聚堂天津人諸生有眠雲詩稿

秋晚村居

石徑蒼苔落葉封夕陽屋角轉高春
連朝病酒情猶壯一日無詩興不濃
稼納倉箱堪卒歲園收棗栗可防冬
南溪新得忘機友差擬詞人陸士龍

鄧咸中

咸中字鑑湘欒城人諸生有西園詩存

遊靈巖寺

靈巖古刹隱雲間乘興登臨世慮刪
松栢蒼蒼人語靜梵音不斷繞溪山

鄧懋

懋字修五號黃庭慶雲人諸生

題蘇羨烏河陰草

懷人賦物興無窮一縷吟情入化工
爲問瓣香知遠近我峩山在翠微中

國朝詩集卷四十七終